



《續修四庫全書》編纂委員會編

續修四庫全書

上海古籍出版社

一一八二・子部・雜家類

靜娛亭筆記十二卷（卷六至卷十二）

〔清〕張培仁撰

一

郎潛紀聞十四卷

郎潛二筆十六卷

郎潛三筆十二卷

〔清〕陳康祺撰

一六一

庸盒筆記六卷

〔清〕薛福成撰

五九九

21/12/102

靜娛亭筆記

二

〔清〕

張培仁
撰

據復旦大學圖書館藏清
刻本影印原書版框高一
二五毫米寬一八〇毫米

靜娛亭筆記目錄

卷六

記貴盛

富貴延長

早達

高年居位

榜運

家運

三元

福壽雙全

字音通用

敦字十二音

其字十四音

離有十五義

平仄兩用

字音異讀

靜娛亭筆記

目錄卷六

顏色字

論時文

劉沛工詩

諸葛武侯名言

名臣相引重

夷閨詞

張辛田自壽詩

記翁孝子事

觀書戒欲速

總管內務府

思補齋筆記

劉繼莊通音韻之學

靜娛亭筆記卷六

賀縣張培仁子蓮

記貴盛

西漢金日磾張安世七葉珥貂楊震至彪四世太尉
袁安至隗四世五公唐蕭瑀八葉宰相他若漢明帝
時張繡爲三公其父尙在公卿朝罷俱詣繡府奉觴
上壽身爲帝師惡太尉司空司徒其子復爲和帝侍
講曾孫濟位至司空東漢耿氏自中興迄建安末大
將軍九人卿十三人尙公主三人列侯十九人護羌

靜娛亭筆記

卷六

校尉刺史二千石數十人與漢興後漢應氏神光
照社探得黃金策七世通顯晉王導亦七世通顯宋
謝莊子朏並爲吏部尙書劉林甫四世典選張嘉貞
四代掌綸詰李峴李峴兄弟並列三戟唐崔琳
與弟珪瑤俱列榮戟號三戟崔家羣從多至大官遇
宴集一榻置象笏重疊其上周訪之子撫撫子楚三
世爲益州牧明閩州林太守元美永樂辛丑進士其
子文安公瀚大司馬文安子九人庭棉大司空庭機
大宗伯庭楷指揮庭枌慶遠知府庭璣湖州推官庭

梟子炫通政司參議煥及煥並六司空一門五尙書
靈寶許冢宰進八子大司空誥大學士讀大司馬論
布政司詩父子四尙書餘姚孫忠烈公煥子大宗伯
陞生二子長吏部尙書鑑次兵部尙書鑑新城王司
徒重光子之輔戶部員外郎之輔子象乾兵部尙書
象斗乙未進士戶部郎中象節王辰進士翰林院檢
討次子之馭浙江按察司之馭子象恆應天巡撫象
春庚戌進士吏部考功郎之垣戶部尙書之垣子象
晉甲辰進士浙江布政司三子之都乙未進士開封
靜娛亭筆記 卷六 二

長樞密而堯咨與兄堯叟並狀元及第洪忠宣公樞
子同平章事文惠公通知樞密院文安公遵端明殿
學士文敏公邁父子並掌制誥漢史丹九子並爲侍
中唐博陵崔僊六子一登輔相五任大僚太常卿鄒
太尉鄭尙書鄧廷尉郇執金吾郗左僕射郗郃與鄒
五知貢舉得士一百四十人宋韓忠獻公億之子太
傅絳太子少師維司空慎曹武惠公彬子河陽節度
璋章武節度璋定國節度璋西平忠武王李晟子十
三人顯者四人河中節度愿嶺南節度憲涼國公翬
靜娛亭筆記 卷六 二

知府之都子象雲辛丑進士參政四子之恒子象賈
戶部員外郎象賈子與允戊辰進士監察御史興化
柯英宏治乙未進士子維熊正德丁丑進士維騏嘉
靖庚戌進士維騏孫茂竹萬歷癸未進士茂竹子昶
萬歷甲辰進士凡五世進士武進陸愷正德乙丑進
士弟愉天順庚辰進士怡成化乙未進士子簡成化
丙戌進士節宏治壬戌進士義正德戊辰進士兩世
六進士若父子貴顯者宋贈太子太師陳宏非子長
贈侍中文忠公堯佐次贈康肅公堯咨一相中書一

太子太保賜晉王祥弟覽孫導至十一世孫褒歷兩
晉宋齊梁陳後周凡七十餘人皆有傳河東裴氏十
代有傳王禹玉爲翰學學士其家自太平興國至元
豐十榜皆有人登科隋唐嘉話載宋敬則家代著孝
義屢荷旌表至門標六闕獨異志唐郭太后代宗外
孫孫德宗外甥順宗之媳憲宗之配穆宗之母敬宗
文宗武宗之祖母又獨孤信三女各生一朝天子長
生周帝次生隋煬帝三生唐高祖又唐苗夫人其父
乃太師晉卿其舅張嘉貞夫延賞子宏靖孫次宗墳

章泉也

富貴延長

漢張蒼以代相封侯歷御史大夫丞相凡五十五年
壽百餘歲宋文潞公彥博兩爲首相歷太尉太師凡
五十餘年春秋時管仲執齊政四十一年戰國時廉
頗爲趙大將四十餘年明黃忠宣^福爲尙書四十餘
年楊文貞^{士奇}在相位四十三年陝西甯州知州劉
綱在任二十三年徐少師^階在內閣三十餘年呂少
傳^本謝文正^遷費文憲^宏亦三十餘年又張與國公

靜娛亭筆記

卷六

四

輔富貴顯赫四十七年其子甯陽公^懋九歲襲爵顯
赫六十七年統五軍十三營留學士^榮王文端^直徐
文靖^溥俱三典會試王忠毅公^驥初以尙書提督甘
涼再以尙書討朶兒只伯三以尙書討麓川思任發
四以靖遠伯總軍務討思機發五以思機發復叛又
討之六掛征蠻將軍印討貴州苗七以伯爵兼兵部
尙書總督南京王襄敏公^越初以副都御史總督延
綏破紅鹽池虜再以尙書總督大同破威甯海虜三
以威甯伯平山東諸賊號墩虜者四以太子太傅總

督五軍十二營五以平胡將軍北征六以征西將軍
鎮大同七以靖虜將軍鎮延綏八以太子太保總督
陝甘軍務凡八爲督帥

早達

霍去病年十八爲嫖姚將軍封侯鄧禹年二十三爲
前將軍定關中李勣年二十六拜大將軍封英國公
明早達者楊少師^{廷和}和十二舉鄉試蔣文定公^冕十
四中解元李文正^{東陽}費少師^宏張文忠公^{居正}十
六舉鄉試李文正^正十七入翰林趙中丞^{時春}十六中

靜娛亭筆記

卷六

五

會元舒綸修^宏志十九中探花費少師^宏二十中狀
元楊榮胡廣俱三十二拜相徐達二十二爲大元帥
宋王沂公二十七知制誥

高年居位

大臣高年居位者伊尹太公畢公召公俱百餘歲北
魏羅結一百二十歲始以外都大官致仕鬻熊九十
爲文王師衛武公九十五爲周卿士高允九十八爲
中書令呂岱九十六爲大司馬士燮九十三爲交州
大都督夏侯勝以九十爲太傅張萬福食祿七十年

未嘗一日病壽九十餘王起八十八歲以左僕射同平章事王祥八十四以太保封睢陵公郭子儀八十四歲以太尉中書令封汾陽王趙充國八十餘以後將軍營平侯罷就第九十餘終

榜連

明嘉靖壬戌一科鼎甲三人狀元申時行榜眼王錫爵探花余有丁皆蘇人皆拜相

宋太宗崇獎儒學擢高科者多至宰輔太平興國二年至天聖八年二十三榜由呂蒙正而下大用者二

靜娛亭筆記

卷六

六

十七人

家運

宋梁灝子固安德裕子守亮張去華子師德皆父子狀元明廣東倫諭德文叙曾元狀元長子通參以諒解元進士次子以訓解元榜眼少子以說亦成進士兄弟狀元者唐則尹樞尹極崔昭緯崔昭矩歸修歸係宋則陳堯叟陳堯咨孫何孫僅宋郊宋祁明長樂馬某有一妾生子鐸妻妬不容嫁之同邑李氏生子名騏鐸中永樂壬辰狀元騏中戊戌狀元又有父子

高魁者餘姚謝遷以成化甲午解元登乙未狀元子丕宏治辛丑解元乙未探花吉水劉應秋萬曆癸未探花子同升崇禎丁丑狀元福州林賜林喬父子解元莆田黃壽生曾孫乾亨元孫如金三代解元本朝長洲彭定求孫啟豐祖孫皆會元狀元天門蔣立鏞嘉慶辛未狀元子元溥道光癸巳探花吳縣潘文恭世恩乾隆癸丑狀元孫祖蔭咸豐壬子探花明南昌劉一煥弟一煜一燦同舉萬曆戊子科華亭張拱端弟履端軌端同舉萬曆壬子科兄弟先後貴顯者

靜娛亭筆記

卷六

七

嘉興岳侍郎元聲巡撫和聲太常卿駿聲公安袁宮諭宗道吏部宏道南吏部中道太倉周舉弟坤在玉兄弟四進士京山李維楨弟維標維柱維極弋陽汪佃弟傑俊偉曹縣王崇文弟崇獻崇仁崇儉臨海王士崧弟士琦士昌士性武進吳亮弟元爽充亦兄弟四進士俱至顯官近日少有卽有之亦不能如昔之同得臚仕矣唐闕史載盧丞相渥軒冕之盛近代無比伯仲四人咸居顯列乾符初丁母憂服闋渥自前中書舍人拜陝西觀察使又一旬其弟涇自前長安

令除給事中又旬日弟治自前集賢校理除左拾遺
又旬日弟沼自畿尉遷監察御史詔書疊至士族榮
之 本朝新建程中丞林采嘉慶甲戌進士弟總督
喬采 辛未進士方伯煥采 庚辰進士常然翁中堂心
存道光壬午進士長子同書道光庚子進士安徽巡
撫次同爵以廕生官至湖北巡撫三同縣咸豐丙辰
狀元工部尚書次曾源中癸亥狀元尤奇者曾源未
入學以監生

欽賜舉人應會試後 欽賜進士一體 殿試竟魁

靜娛亭筆記 卷六

天下有無座師無房師 天子為師之語諸城劉文
正公 紉勳 子文清公 孫家宰 鐘之 曾孫方伯 喜海
桐城張文端公 英子文和公 廷玉 父子宰相五代翰
林其子孫成進士者又十餘人四川楊制軍 遇泰以
武員擢封疆子 國楨 繼起為總督又世襲侯爵相傳
其有義女數人胡軍門 超 向軍門 榮 石軍門 生玉 齊
軍門 愷 皆其壻也楊軍門 芳 亦其舊日書吏浙江許
濱生尚書 乃 普 嘉慶庚辰榜眼子彭壽道光丁未傳
臚兄乃濟嘉慶己巳進士廣東鹽運使乃大舉人廣

東羅定州知州弟乃釗道光乙未進士江蘇巡撫乃
裕舉人官知縣

三元

唐有四元崔延翰以其又為制科首也宋三元則王
相國 會學士 真馮樞使 京金三元則孟學士 宗憲王
僉書 宗哲 明則商少保 翰 本朝則長洲錢閣學 榮
臨桂陳中丞 繼昌

福壽雙全

吳縣潘三松先生 奕雋 乾隆己丑進士內閣中書升

靜娛亭筆記 卷六

戶部主事丙午典試貴州告歸家居四十餘年擅山
水文字之樂嘉慶丙子重遊泮宮道光壬午重赴鹿
鳴 賞員外郎銜己丑重宴瓊林 賞四品銜其姪
芝軒相國具摺陳謝有云臣伯父重登茲榜百五人
之選尚有一存我 聖朝再宴瓊林二百年以來於
斯六見吳下耆英傳為盛事子理齋太史世瑱侍養
在籍高壽九十一歲孫遵祁道光乙巳進士由翰林
院編修官侍講亦告歸享清福登上壽

字音通用

明徐君義應秋 王芝堂談奮載古聲有通用者如益
爲駢契爲高阜爲咎池爲備琵琶之爲聲婆是可作
視荀子是其庭可以搏鼠宗可作尊尊盧氏爲宗盧氏
左傳襄公二十五年子產對晉云庸以元女大姬配
胡公而封諸陳以備三恪恪客古通用衛侯入逆於
門者鎮之而已鎮即鎮說文低頭以應也昭二十五
年公徒釋甲執冰而踞冰讀爲棚箭房之蓋冰棚古
通用漢書兵難陶度陶即古遜字思元賦韻羈旅而
無友方韻古獨字泰方士徐市市又作福字讀爲極

靜娛亭筆記 卷六

十

即古帝字司馬相如大人賦仙仙有凌雲之氣仙即
古飄字 以下並采談奮

敦字十二音

楊用修曰敦有九音仄韻音堆紙也詩敦彼獨宿注
獨宿不移貌賓戲欲從整敦而度高乎泰山整敦皆
小邱名元韻音惇大也又姓敦洽衛之醜人又音豚
敦煌郡名寒韻音團聚貌詩敦彼行葦蕭韻音雕盡
弓天子之弓一作弭準韻音準布帛幅廣也周禮內
宰出其度量敦制阮韻音遜左傳渾敦隊韻音對器

名周禮珠盤玉敦願韻音頓堅也又太歲在子曰困
敦號韻音導覆肅一作敦周禮司几筵每敦一几陳
士元曰敦有十二音一音墩怒也誰何也勉也追也
詩王事敦我追我也一音團詩有敦瓜苦一音堆邱
阜也又獨處不移貌詩敦彼獨宿一音雕詩敦琢其
章與弦弓同天子弭弓一音對周禮珠槃玉敦一音
頓太歲在子曰困敦一音導一音準一音豚大也一
音敦一音徒所引與用修同一音燉義同愾愾惡也
一音隊愾同怨也其十二音又孟子使虞敦匠事又

靜娛亭筆記 卷六

十一

有董治之義又軍後曰敦逸周書武順解一卒居前
曰開一卒居後曰敦亦音堆

莛字十四音

字音不可不細辨如句有四音虞韻音拘須句地名
尤韻音籌句吳地名句踐越王名宥韻音遘句當遇
韻音據章句又句容縣名差有七音支韻音疵參差
不齊也皆韻音釵使也夫差吳王名歌韻音磋禮記
御者差沐以米潘爲沐也又景差人名麻韻音叉不
相值也個韻音挫跌也過也周禮注有差分重差之

說賁字有七音彼義切卦名禮記賁賁之音作而民剛穀荀子下比周賁賁以離上音父吻字切又沸也穀梁傳覆澮於地而賁方問切禮記賁軍之將與賁同又音肥周勃爲襄賁令又姓黔布傳趙將賁赫又音墳六也尚書周宏茲賁淮南子龜三足爲能龜二足曰賁食之殺人骨肉化爲水又音奔尚書虎賁三千又音番山海經桂林八桂在賁禺又音渾韓文注渾渾山古作陸賁直字十四音一切閭切麻也子閭七其叔也子旋切賈誼傳冠雖敝不以直履師古曰

靜娛亭筆記

卷六

圭

直履中之藉布交切天直地名在益州見史記注子邪切萊壤也獵場也似嗟切苴咩城在雲南鉏加切詩曰木中附草也水草曰苴一作蒹今作菹又都賈切土苴不精細也側不切糞草也側魚切說文酢菜也莊俱切姓也漢有苴氏則吾切芋藉祭將預切糟醜也子余切苞苴囊貨也

離有十五義

字義之多莫如離離別通訓也卦名見易黃離倉庚見說文大琴曰離見爾雅流離鳥名見毛詩長離鳳

名見相如賦織離馬名見李斯書又陸離參差也見文選木名見孔子世家水名見地理志人姓見氏族志江離草名接離冠名見字書公羊傳二人會曰離會謂各是所是各非所非不能定也又艾字有十二義說文水堂也卽今靈艾老也曲禮五十曰艾居原九歌舞幼艾少長也爾疋艾厯也郭注長者多所更厯也詩朕未有艾又養也爾疋願艾育養也詩福祿艾之又美也孟子知好色則慕少艾又過半也詩夜未艾治也詩或肅或艾又息也左傳襄九年大勞未

靜娛亭筆記

卷六

圭

艾又安也詩保艾爾後又懲創也魏相傳無所懲艾又修也孟子有私淑艾又姓

平仄兩用

白樂天詩羌管吹楊柳燕姬酌蒲桃銀含鑿落盞金屑琵琶槽張祐詩生摘枇杷酸白詩四十著緋軍司馬男兒官職未蹉跎一爲州司馬三見歲重陽武元衡詩惟有白鬚張司馬不言名利尙相從爲問長安月誰教不相離綠漲東西南北水紅闌三百九十橋十音諶唐彥謙詩燈檠昏魚目薰爐咽麝臍王建詩每

日城南空挑戰李山甫詩黃祖不憐鵲客誌公偏
賞麒麟兒元微之詩欲終心懶慢轉恐意闌散張曲
江詩征鞍稅北渚歸帆指南郵帆音梵

字音異讀

瀧水之瀧音雙肅爽之爽音霜月氏之氏音支角里
之角音祿先零之零音憐獻尊之獻音荷選懦之懦
音軟平反之反音番服匿之匿音避休屠之屠音儲
鬱壘之壘音律皮劉之劉音盧井幹之幹音韓羨門
之羨音延陳蔡不羹之羹音郎僕區之區音歐涑水

靜娛亭筆記 卷六

西

之涑音洩母追之母音牟逕庭之庭音聽虹縣之虹
音絳共張之共音公結轍之結音繫貧冑之冑音墨
顏色字

馬名照夜白鷹名海東青杖名孟青枷名彌尾青閭
州參軍黃涉婢曰笑春紅珠有結絲義渠貢馬名茲
白元司閭者曰八刺哈赤佩囊轡侍左右者曰火兒
赤珮弓矢守禦者曰閭端赤圍人曰阿塔赤主服御
者曰速古兒赤主酒者曰荅刺赤主膳者曰博兒赤
侍衛曰溫都赤奏樂者曰虎兒赤典文史者曰必闌

赤獵者曰怯憐赤譯者曰怯里馬赤清異錄檳榔名
洗瘴丹荔支譜有一品紅麝囊紅爾疋一染謂之線
再染謂之窺三染謂之縹皆丹汁考工記云三人爲
縹五入爲緋七入爲緇廣雅碧縹蒼青也彤丹朱
縹赤也對緋黼黃也皁皁皁白也黹皂黹黑也近黑
曰弋淺黃色曰緋皂色爲皁又青別爲蒼赤別爲朱
黃別爲黔白別爲縞黑別爲元逸疋白加青爲碧西
方間色白加朱爲紅南方間色黑加赤爲紫北方間
色青加黃爲綠東方間色白樂天詩晴沙金屑色春

靜娛亭筆記 卷六

圭

水麴塵波稽含南方草木狀鶴子草蔓生花麴塵色
周禮皇后六服用鞠衣鄭注黃桑色如麴塵蓋淡黃
色

論時文

朱香生曰碑志與紀傳不同碑志或奉敕撰擬或素
與其人交誼其後人涕泣請求則體兼頌贊稱善
不稱過體例本如是也若紀傳則可據事直書美惡
自見後代諛墓之風盛行又悞以紀傳爲碑志滿紙
諛詞見者生厭而紀事之文廢矣六藝皆源聖道學

者各以所得筆之於書故言之有物而行之有效入此盛行道歸一孔千篇萬卷人人相同而說理之文又廢矣其言頗新

愚按古文與時文體例不同其論碑志與紀傳是矣若言說理之文則爲論爲說爲辨爲語錄門徑甚寬不比紀傳之有忌諱儘可各抒所見以勒於簡編或純或駁徐待後人之品臠可也若八股乃應試之文與古文門徑不同如云因八股而說理之文廢未可也八股之弊在剿襲在敷衍而豪杰

靜娛亭筆記

卷六

六

之士亦有以根柢之厚發而爲議論之精者此事實非易爲此境實不易造舉人進士雖多真能辦此者有幾人哉益考訂詞章經濟三者均不能出其範圍也

國家用以取士立意深矣

劉沛工詩

龍山劉沛孤介工詩有懷人絕句數章語多精確黃海華云心源志術辨無差能吏通今古法家可惜兩京賢牧伯苦吟詩句老天淮郭筠仙云海浸高樓月

似霜安西旌節等投荒船山自有經傳在不用恩封異姓王羅硯生云徵文識字老彌精樸學無華愛硯生五十年來名下士從無書札到公卿孫芝房云風流三楚眞名士詞賦乾嘉好翰林不駕輶軒持玉尺一生辜負愛才心郭檣麥云字法兵韜曲曲賅墨犀分應妙能裁茂陵擬奏通天表第一軍機秉筆尤朱香生云短衣長劍走江湖肝膽無雙氣太粗猶喜

聖朝文網闊不成詩獄逮髯蘇

郭意城京卿良黨爲筠仙中丞之弟以名孝廉

靜娛亭筆記

卷六

六

隱居求志偕其弟志城觀察讀書談道於空山中蕭然自得志城卽胡文忠公集中所稱郭三先生者欲延之幕府爲將來替人堅臥不出一時有河東三鳳之目意城以蒿目時艱有澄清之志當局諸公延襄軍務慨然而任之籌兵籌餉挽回元氣於無形東南漸就肅清當局者臚陳其運籌之績屢荷

特旨褒嘉清卿晉秩咸推爲湘陰相國出山後非此公不克應此艱鉅之任以收戡定之勳使人直

軍機於內外利弊早已了然誠如詩中所云靈犀妙應者興利除弊其樹立更宏達矣

皋蘭朱香生真官龍山典史賊至力保危城

巡撫惲公奏請破格擢龍山令雖奉部駁而一時莫不知有朱典史者位不副才人咸惜之詩

筆清麗神似牧之義山吾尤服其病目後猶力

疾著書胥關乎軍國大事洞中肯綮不爲迂濶

之談亦奇士也

諸葛武侯名言

靜娛亭筆記 卷六 七

與羣下教云夫參署者集衆思廣忠益也若遠小嫌

離遠覆讎多矣違覆得中猶棄微跡而獲珠玉

雖徐元直處茲不惑又董幼宰參署七年事有不至

者十反來相啟告苟能慕元直之十反幼宰之啟

告殷勤則亮可少過矣

昔交州平屢聞得失後交元直勤見啟誨雖鄙闇不

能悉納然與此數子終始好合亦足以不疑於直言

今欲減兵省將明罰思過較變通之道於將來自今

以後諸有忠慮於國但勤攻吾之闕則平賊之功可

瞻足而待矣自明者鑒之

誠子書云君子之行靜以修身儉以養德非澹泊無

以明志非甯靜無以致遠夫學須靜也才須學也非

學無以廣才非靜無以成學愒慢則不能研精險躁

則不能理性

論交云勢利之交難以經遠士之相知溫不增華寒

不改業貫四時而不改厯夷險而益固

論將云貴而不驕勝而不恃賢而能下剛而能忍此

之謂禮將奇變不息動應有端轉禍爲福因危而安

靜娛亭筆記 卷六 七

此之謂智將賞不逾時罰不避貴此之謂信將知其

飢寒悉其勞苦此之謂仁將臨事無苟免不爲利撓

此之謂義將見賢若不及從諫如順流寬而能剛簡

而能詳此之謂大將

出軍行師以整爲勝若賞罰不明法令不信金之不

止鼓之不進雖百萬之師無益於用

勵士云夫用人之道等之以爵贍之以財則士無不

奮矣接之以禮勵之以信則士無不死矣畜恩不倦

法若畫一則士無不服矣先之以身後之以人則士

無不勇矣。小善必錄，小功必賞，則士無不勸矣。
自勉云：驕者毀，至慢者禍，及多詒者寡信。自養者少
恩賞，無功者離罰，無罪者怨。

名臣相引重

知已難逢，大才尤不易得。一旦牙琴相遇，其快慰誠
有難以言喻者。其交相推重，非出於標榜之私，實由
於秉彝之好。後世溯其遺風，猶爲之追慕於無窮焉。
試觀王鳳洲尚書世貞賀王元馭錫爵入相敬云：伏
維某宮中吳孕秀，東海涵靈，知崇禮卑，動由成性，規

靜娛亭筆記 卷六

九

行矩步，妙合自然。自魯連拂萊海之衣，而嚴令系桐
江之鼎，南陽隱士，獨稱臥龍。洛下兒童，皆知司馬。傳
巖特召，不藉金張之援。漢殿同升，其推丙魏之美。人
皆望之植，同已排異已。公不謂爾，渙小羣成大羣。爲
國則舉不避讎，遠嫌則恩無歸已。此蓋一人之有慶，
以致三后之協心。謂青宮一品已堅辭於達書之辰，
彼素絲五紵，實遠渝章甫之貴，非故奪公之守。殆將
伸國之經，某等素切儀型，迺深踴躍，惟詔功詔德。自
古則然，而有君有臣，於斯爲盛。皇天之產名世已過

五百餘年，賢者之在中書，何妨二十四考，可謂善願
善禱。及觀元馭相國之序，其倉州遺稿，實爲其時大
手筆。其心悅而推服之，誠有不能已於言者。序曰：明
興二百年，薰釀至嘉隆中，文章始大闢。薦紳先生，結
軫而修竹素，乃其著述之富，體製之美，莫如吾友大
司寇元美王公。計公弱冠登仕，中所經大艱大危，沉
廢數年，又服官四方十餘年，既與予結菴休老，邇邪
自永嘉以遷長淮之秀，全注於海海上，十年間有榮
光浮而休氣塞者，其在公歟！其在公歟！夫海月而潮

靜娛亭筆記 卷六

辛

風而波，彼積潦之區，湧之亦潮，揚之亦波。然海能爲
衆水，而衆水不能爲海，則有餘不足之符，自然異也。
當公少時，一二雋士，句釘字鉅，度不能有所震發，欲
藉大力者爲幟，而以虛聲惑公公，稍以矜蹕，應之不
免微露有餘之氣，而飭建雲委，要歸於雄渾。殆其晚
年閱盡天地間禍福盛衰之倚伏，江河陂谷之遷流，
與夫國是政體之真是非，才品文章之真脉絡，而慨
然悟霜降之旨於紛醞繁盛之時，故其詩若文，盡脫
去角牙繩縛，而以平澹自然爲宗，類廣而託微，志苦

而節甘采流而神浩決乎球鍾鳴鳥獸舞宮商鳴草木動因應變化而不知其所以然譬之於海惟是汪洋浩渺之德以吐納百川而豈必待夫怒濤顛波激風蒸雷陰火夜然蜃市曉結駭然見所未見乃稱大哉世人耳論每嘆古今人不相及夫古人趣簡風質無苞苴竿牘之糾紛無毀譽恩仇之窘束要以各抒所見而止故於達意不難叔季猥鄙誰復免此藏心墨兵恣日月旦於此時也紛然獻酬羣好而能各暢彼我妙合古作者之法此不已較難乎蓋公晚而

靜娛亭筆記 卷六

圭

始好子瞻也夫以子瞻之才世之既降已不免馳騁議論以見奇吾元美獨能離今之獻酬賡唱而自爲元美哉夫今世固貌尊元美矣輒曰此遷也此固也此漢魏此盛唐夫必遷必固必漢魏盛唐句字而儀之當公之時蓋亦有優於飾畫者矣未數年而新陳相變已索然不見其有夫惟作者心之靈氣恍惚自來吳廟神奇與時相爲無窮如槐柳榆柞皆凡火也而可變萬物故嘉隆之間與公結軫而起者皆以公重非能重公者也

夷閩詞

仁和高古民觀察錫恩有夷閩詞云綠楊陰裡足徘徊金碧樓臺絕點埃寓詔僂家赫土勃夷婦稱夫之謂明朝新馬試騎來兩耳金牌映臉霞不施脂粉自妍華島夷也有傾城色唐代休將號國誇又云纖指承來手記新杜埋而立夷人新稱及時春

張辛田自壽詩

桐城張辛田大令用禧博學工詩人有風趣兼諳當代掌故酒酣耳熱議論風生聽之令人神爲之旺惟

靜娛亭筆記 卷六

圭

以直言忤權要去官在閩中貧不能歸仍以賣文爲活爲諸侯座上賓今見其七十自壽詩七律十四章知先生年愈老興愈豪有安貧樂道之風可愛亦可敬也詩云薄宦浮沉計卅年回頭身世兩茫然幾曾夸父能追日却羨癡翁號信天春夢都同雲過眼冬烘那管雪盈顛請看老圃餘霜菊人共黃花晚節堅追思小小帶經鋤老屋三間榜愛餘燈盡四聲知轉韻簾經一旦剩遺書庭懷鯉對言猶在家近龍眼畫不如二百年來舊堂構難從瓦礫認先廬先父和公舊第已遺